

Geistlicher Baustein N. 27

-Das Wort ist Geist in Wortform-

- Wandeln im Geist -

Albanische Übersetzung :

Guri i Ndërtimit Frymor Nr. 27

-Fjala është Frymë në formë Fjale-

- Të ecësh në Frymë –

Gjoni 6,63: „Fjalët që unë ju flas janë Frymë dhe janë jetë.”

Ashtu si vera natyrore shfaqet në fuqinë e saj nxitëse, po ashtu është edhe me verën e re, kur ajo zbulon Fjalën e Perëndisë, e cila është Frymë (Zbulesa 6,6). Fjala Vetë është Frymë. A e besoni këtë? Le ta lexojmë: „Fryma është ai që gjallëron; mishi nuk vlen asgjë. Fjalët që unë ju flas janë Frymë dhe janë jetë.” (Gjoni 6,63).

Fjala Vetë është Frymë. Është Frymë në formë Fjale. Dhe ju shihni, kur është bërë e gjallë ose e sjellë në jetë, atëherë Fryma e Fjalës hyn në veprim dhe vepron. Tani shihni këtu: Një mendim duhet të jetë më parë mendim, përpara se të bëhet fjalë. Dhe kur një mendim jepet, ai është një fjalë. Pra, ky këtu është mendimi i Perëndisë, që Ai e ka vënë brenda Fjalës, dhe kur ne e marrim prej Tij, bëhet fjalë.

Perëndia ia zbuloi Moisiut atë që duhej të bënte. Moisiu e shpalli me gojë dhe ndodhi (Eksodi 14,13-31). Shihni, kështu është, kur vjen me të vërtetë nga Perëndia... Kështu që ne mund të shohim se ajo nxit dhe sjell gëzim, sepse është Fjala e Perëndisë. Vera e re nxit (Luka 5,36-38), kur ajo zbulon Fjalën; atëherë ndonjëherë sjell gëzim aq të madh, sa sjell një gëzim të tillë derisa të tejkalohemi. [1]

Ai ka folur për këtë epokë, që është tani. Besimtarët e kësaj epoke duhet ta besojnë këtë, që Ai e ka premtuar sot, njësoj siç ata atëherë duhej të hynin në Arkë për t’u shpëtuar, ose të dilnin nga Egjipti për t’u shpëtuar; tani ata duhet të hyjnë në Krishtin për të shpëtuar, të hyjnë në Mesazhin e Fjalës, që Ai është i njëjti dje, sot dhe përjetë. [2]

Perëndia nuk do ta shpëtojë botën përmes një organizate ose një sistemi. Ai do ta shpëtojë atë përmes Frymës së Shenjtë.

Dhe Fryma e Shenjtë është Fjala e shprehur. Janë premtimet e Perëndisë të shprehura. [3]

Fruti i Frymës është Fjala e Perëndisë, e cila shprehet vetvetiu: dashuri, gëzim, paqe, durim, mirësi, butësi, besim. Besim në çfarë? Në Fjalën (Gal. 5,22-23). [4]

Fryma e Shenjtë sot sundon mbi njeriun, dhe Fryma e Shenjtë është Fjala. [5]

Tani, kur armiku sulmon dhe përpiqet të të thotë se duhet të bësh këtë, çfarë do të bësh? Qëndro tek Fjala! Kjo është e vërtetë. Çfarë do të bësh atëherë? Merr Fjalën! Çfarë është Fjala? Bibla e thotë. Sepse Fryma e Perëndisë është Fjala. Shikoni këtu: “Dhe merrni përkrenaren e shpëtimit dhe shpatën, shpatën e Frymës”, që është Fryma që hyn përmes mendjes sate, dhe shpata e kësaj Fryme është Fjala e Perëndisë (Efes. 6,17). Me çfarë lufton kjo Frymë? Me çfarë lufton Fryma e Shenjtë? Me përjetime ndjenjash? Me Fjalën. Me çfarë lufton ajo? Me Fjalën shëruese, Fjalën. Le ta themi: Fjala, Fjala. Fjala e Perëndisë është ajo me të cilën Fryma lufton. Fryma e Perëndisë shkon drejt e tek djalli dhe thotë: “Është shkruar.” Amen. “Është shkruar”, dhe djalli ikën (Mat. 4,1-11). [6]

Jezusi kurrë nuk i kushtoi atij vëmendje. Dhe nëse Ai nuk e bëri atëherë, populli i Tij nuk do ta bëjë as sot. Le të bërtasë sa të dojë, nuk na shqetëson. Ne ecim në Frymën e Zotit. [7]

Sepse Jezusi tha: “Nëse ne i shtojmë një Fjalë ose heqim një Fjalë, pjesa jonë hiqet nga Libri i Jetës.” (Zbulesa 22,18-19). Shihni, asnjë varg i vetëm i Shkrimit. Duhet ta marrim pikërisht ashtu siç është shkruar. Dhe Perëndia vigjëlton (vezhgon) mbi Fjalën e Tij për ta kryer atë (Jer. 1,12), dhe ne e dimë se ajo duhet të jetë pikërisht e saktë.

Prandaj nuk ka rëndësi se çfarë do të thotë një bashkësi apo dikush tjetër, nëse ti je i lindur prej Frymës së Perëndisë (Gjoni 3,3-8), ti do të bëhesh pjesë e Biblës. Perëndia i tha Ezekielit, profetit:

„Merre rrotullën dhe haje”, atëherë profeti dhe rrotulla u bënë pjesë njëri me tjetrin (Ezekieli 3,1-4). Dhe kështu është me besimtarin, kur ai e merr Frymën e Shenjtë. Fryma e Shenjtë e ka shkruar Biblën, dhe Fryma e Perëndisë është Fjala e Perëndisë. „Fjalët e mia janë frymë. Në fillim ishte Fjala, dhe Fjala ishte me Perëndinë, dhe Fjala ishte Perëndia. Dhe Fjala u bë mish dhe banoi ndër ne” (Gjoni 1,12.14). Hebrenjtë 13,8: „Ai është i njëjti dje, sot dhe përgjithmonë.” Dhe kur ti je pjesë e kësaj Fjale, oh, atëherë lëre vetëm të vijë diçka që është në kundërshtim me këtë Fjalë; menjëherë ndizet një kambanë e vogël alarmi. Shihni, ajo është për të të paralajmëruar se vdekja është në rrugë. Ne kurrë nuk duhet ta bëjmë këtë. [8]

Tani, Fryma e Shenjtë është Fjala. Perëndia nuk është tre. Ai është i njëjti Perëndi në tri veprime, tri shërbesa. Perëndia, Ati, në ligj; Perëndia, Biri, në hir; dhe Perëndia, Fryma e Shenjtë, siç quhet, është i njëjti Perëndi në veprimin e Frymës së Shenjtë. Perëndia, Ati, ishte Fjala; Perëndia, Biri, ishte Fjala; dhe Perëndia, Fryma e Shenjtë, është Fjala. Shihni, janë thjesht tri shërbesa (1 Timoteut 3,16; Efesianëve 4,4-6). Dhe Fryma e Shenjtë të vulos ty, prandaj ti je i vulosur përmes Fjalës (Efesianëve 1,13-14). [9]

Ti thua: „Por njerëz të tjerë e bëjnë këtë.” Po, por ti nuk je si njerëzit e tjerë. Ti je i vdekur dhe jeta jote është e fshehur në Perëndinë përmes Krishtit dhe e vulosur prej Frymës së Shenjtë (Kolodianëve 3,1-2). Shihni, ju nuk e keni provuar ilaçin. Është vetëm sepse njerëzit nuk duan ta provojnë.

Tani, ju duhet të vdisni, ju duhet të kalbeni (Gjoni 12,24-25). Ky është problemi i njerëzve; në vend të kësaj, ata shkojnë përpara te altari dhe marrin një lloj përjetimi ndjenjash, kërcejnë lart, i japin dorën predikuesit, dalin jashtë dhe marrin ndonjë lloj dogme ose besimi që e shqiptojnë, dhe thonë: „Unë i përkas dhe jam till.”

„A je ti i krishterë?”

„Unë jam i till.”

Një i krishterë duhet t’i ngjajë Krishtit. T’i ngjajë Krishtit do të thotë të besosh Fjalën.

Nëse ti nuk e beson Fjalën, atëherë nuk mund të jesh i ngjashëm me Krishtin. Si mund të thuash se je i krishterë dhe të mohosh gjysmën e Fjalës? Nëse Fryma e Shenjtë e ka shkruar Fjalën, Fryma e Shenjtë e vërteton Fjalën. Dhe Fryma e Shenjtë është Fjala. Dhe Fjala, kur qëndron në ty, i sjell premtimet e Perëndisë tek çdo besimtar (Gjoni 15,7). Amin, Fjala do të thotë: „kështu qoftë." Unë e besoj atë me gjithë zemër. Ajo është Fjala e Perëndisë së gjallë. Amin. [10]

„Ti the se Fjala është Frymë?" Po. Perëndia tha: „Fjala Ime është Frymë." Kjo është e vërtetë. Nusja e vërtetë duhet të bashkohet përmes Fjalës. Tani, mbani mend: nëse ajo është një pjesë e Krishtit, ajo duhet të jetë Fjala e Krishtit. Për të qenë Fjala e Krishtit, ti duhet të pagëzohesh në Krishtin (1 Kor. 12,13). Dhe kur je në Krishtin, ti e beson Krishtin, dhe Krishti është Fjala. [11]

Dhe aty do të vijë një kohë, kur Ai mund ta shprehë Vetën në plotësinë e Hyjnisë së Tij, përmes kishës së Tij, dhe të ketë përparësinë në këtë kishë (Kolodianëve 1,16-19). Oh, çfarë? Njeriu i vajosur, tani populli i vajosur, oh, për të kthyer nusen e vajosur dhe dhëndrin. Të vajosur duke pranuar atë që Eva dhe Adami hodhën poshtë; të kthehemi me vajosjen e Fjalës, sepse Ai tha: „Fjala Ime është Frymë." Ja pra, të vajosur me Fjalën. Atë që Eva e hodhi poshtë, Ai po kthehet dhe ne e pranojmë. [12]

Romakëve 8,1: „Kështu që tani nuk ka më asnjë dënim për ata që janë në (jo ata që e besojnë), por ata që janë në Krishtin Jezus, të cilët nuk ecin sipas mishit, por sipas Frymës", [13] të cilët nuk i kushtojnë vëmendje asaj që ka për të thënë bota. „Dhe Fjala Ime është Frymë dhe jetë."

Edhe kur je i sëmurë dhe mjeku të thotë se duhet të vdesësh, ti nuk i kushton asaj vëmendje. Nuk të shqetëson fare.

Kur ata të thonë: „Ti duhet të bëhesh katolik, para se të shpëtohesh, ose presbiterian, ose duhet ta bësh këtë", ti nuk i kushton asaj vëmendje.

“Prandaj nuk ka më asnjë dënim (mallkin) për ata që janë në Krishtin Jezus, të cilët nuk ecin sipas mishit, sipas gjërave që ata shohin.”

Çdo gjë që njeriu sheh me sytë e tij, është tokësore.

Por janë gjërat që ti i sheh në frymën tënde, përmes Fjalës! Fjala është pasqyra e Perëndisë, që pasqyron se kush është Ai dhe kush je ti. Haleluja! Oh, ajo ta thotë ty. Ky është libri i vetëm në botë që të thotë nga vjen, kush je dhe ku shkon. Më trego mua ndonjë faqe të letërsisë, diku, me gjithë shkencën dhe gjithçka tjetër, të gjitha librat e mirë që janë shkruar, asnjëri prej tyre nuk mund të ta thotë këtë. Kjo është pasqyra e Perëndisë që tregon se kush është Ai dhe kush je ti. [14]

Ne jemi pagëzuar në Tempullin e Perëndisë (1 Kor. 6,19-20), në trupin e Perëndisë, në trupin e Jezus Krishtit. Dhe ne jemi në Krishtin përmes pagëzimit të Frymës së Shenjtë: 1 Korintasve 12. Dhe

“prandaj nuk ka më asnjë dënim (mallkim) për ata që janë në Krishtin Jezus, të cilët nuk ecin sipas mishit, por sipas Frymës” (Rom. 8,1). Ata dëshirojnë gjërat frymore. Ata nuk merren me gjërat e mishit.

Mishi im thotë: “Jam shumë i lodhur.”

Fryma ime thotë: “Nuk je. Unë jam shefi yt. Më ndiq Mua.” Amen.

Shikoni një rast atje jashtë, ku mjekja tha: “E di, ai nuk mund të shërohet. Është e mbaruar.” Unë e shikova dhe thashë: “Kjo është e vërtetë.” Por Fryma e Shenjtë erdhi dhe dha një vegim dhe tha: “Ai do të shërohet.” Atëherë unë thashë: “KËSHTU THOTË ZOTI , ky njeri do të jetojë.”

Dhe ne nuk ecim më sipas gjërave të mishit, çfarë thotë mishi, [15] si luftëra, grindje, sherre, gjëra egoiste, [16] ose ato që shohin sytë dhe dëgjojnë veshët. [17] Ne ecim sipas gjërave të Frymës. Kjo është e vërtetë. [15]

Tani, trupat tanë përbëhen nga gjashtëmbëdhjetë elementë të ndryshëm të botës. Ne e dimë këtë. Ai përbëhet nga potasë, pak kalcium, naftë, dritë kozmike, atome e kështu me radhë. Të gjitha të lidhura së bashku, kjo përbën këtë trup. Ai vjen nga pluhuri i tokës. Ju merrni ushqim. Ndërsa e merrni ushqimin që vjen nga pluhuri, ai kthehet në pluhur, dhe kështu me radhë.

Dhe ju i jepni kaq shumë rëndësi mishit? Por kjo Frym ka një shpirt brenda vetes, vëllai im. Kjo është e vërtetë. Mishi juaj është vetëm pluhur i tokës, ashtu si i një kafshe. Mishi juaj nuk është më shumë se një kafshë. Dhe kur ju dëshironi sipas mishit dhe gjërave që shihni, dëshirë për gratë, dëshirë për të gjitha këto gjëra të ndryshme, kjo është akoma shtazarake. Kjo është e vërtetë. Ju nuk duhet ta bëni këtë. Fryma e Perëndisë do t'ju udhëheqë dhe do t'ju ngrisë në një nivel më të lartë (Gal. 5,16-21). Kjo është e vërtetë, pikërisht. [18]

Ata nuk i kushtojnë vëmendje se çfarë thotë bota apo çfarë thotë dikush tjetër, madje as çfarë thotë familja e tyre. Ata ecin me Frymën e Perëndisë në dashuri të përsosur hyjnore. E shihni këtë? [19]

“Dhe të gjithë ata që janë bijtë e Perëndisë udhëhiqen nga Fryma e Perëndisë.” (Rom. 8,14). Atëherë kur elementi njerëzor largohet dhe Fryma e Perëndisë mbush këtë zbrazëtim ku ju u shfrytëzuar (Amen), atëherë komuniteti do të jetë në fuqinë e tij nga ringjallja e Zotit Jezus, do të ecë në gjurmët e Tij, në fuqinë e Tij, në mendimet e Tij, në qenien e Tij, në lëvizjen e Tij... E shihni çfarë dua të them? Atëherë mendimet tuaja bëhen fjalë, dhe fjalët bëhen materie. Atëherë komuniteti është në fuqinë e tij.

Unë besoj se kjo është rruga ku Bashkësia do të jetë i zhytur në Krishtin, në Frymën e Shenjtë, dhe njeriu do të lirohet nga vetja e tij, saqë nuk do të shohë më veten... Ata nuk kanë mendim tjetër përveçse të shërbejnë Perëndisë. Dhe mendimet e tyre vazhdojnë. Ata refuzojnë gjërat e botës. Ata thjesht lëvizin në Frymë, jetojnë në Frymë, lëvizin në Frymë, ecin në Frymë dhe kështu përmbushin ligjin e Krishtit (Gal. 5,16). Atëherë dashuria e Krishtit në zemrën e njeriut, që lëviz me Frymën e Shenjtë (Rom. 5,5), kjo Bashkësi e madhe dhe e mrekullueshme do të dalë me fuqi dhe hyjnishmëri, sepse hyjnishmëria do të manifestohet në njerëz përmes Frymës së Shenjtë, ndërsa mendimet e tyre bëhen veprime. [20]

Shikoni: „Përmes një Fryme ne të gjithë jemi pagëzuar në një trup dhe u bëmë gjymtyrë të këtij trupi.“ Dhe një njeri që është në Krishtin Jezus ecën sipas gjërave Frymore. Për mendjen mishit të botës kjo është marrëzi. Por për ata që besojnë, është jetë e përjetshme. Amin. Kjo është. Oh, sa e mrekullueshme! Atëherë çfarë mund të të dëmtojë? Ti je në Krishtin (Rom. 8,37-39). Dhe po aq i sigurtë sa Perëndia e ringjalli Jezusin prej së vdekurish, ne do të vijmë në Krishtin. Amin. Po, ne duhet, sepse Perëndia e ka premtuar. Sepse po aq i sigurtë sa ky trup ngrihet lart, unë jam në këtë trup. Prandaj, duhet të shkoj me të. [21]

Kur bën ti diçka të gabuar, nuk është me qëllim (1 Gjonit 3,9). Ju nuk mëkatoni me qëllim. Dikush që mëkaton me qëllim, që del dhe bën mëkat me dashje, nuk ka hyrë kurrë në këtë trup (Hebr. 10,2). Por kur dikush hyn njëherë aty brenda, ai është i vdekur dhe jeta e tij është e fshehur në Perëndinë përmes Krishtit, e vulosur nga Fryma e Shenjtë (Kol. 3,1-3), dhe djalli nuk mund ta gjejë asnjëherë; aq thellë është brenda. Ai do të duhej të dilte jashtë që djalli të mund të hynte brenda, sepse ju jeni të vdekur. [22]

„Kush është i lindur nga Perëndia, nuk bën mëkat, ai nuk mund të mëkatojë.“ (1 Gjonit 5,18). Romakëve 8,1: „Prandaj tani nuk ka më asnjë dënim për ata që janë në Krishtin Jezus, që nuk ecin sipas mishit, por sipas Frymës.“ Kjo është. Shihni, kjo e vë trupin tuaj në nënshtrim. Nuk keni pse të thoni: „Oh, sikur të mund të ndaloja së piri! Sikur vetëm të...“ Thjesht hyr në Krishtin dhe gjithçka zhduket, e sheh, sepse trupi yt i është nënshtruar Frymës. Ai nuk është më nën gjërat e botës; ato janë të vdekura. Ato janë të vdekura; mëkatet e tua janë varrosur në pagëzim (Rom. 6,3-4), dhe ti je një krijesë e re në Krishtin (2 Kor. 5,17). Dhe trupi yt, duke iu nënshtruar Frymës, përpiqet të jetojë një jetë të drejtë. [23]

O vëlla, kjo Fjalë është jetë, nëse do të mbahesh fort pas saj. Shikoni, nuk është diçka për të cilën flasim, që ndoshta mund të ndodhë këtu ose atje; është diçka që tashmë është këtu me ne dhe po ndodh tani. Jo diçka që do të vijë; por diçka që tashmë është.

Ne nuk dëshmojmë: „Ne e dimë çfarë Ai ka bërë dhe ne e dimë çfarë Ai do të bëjë“, por ne flasim tani për atë që Ai po bën. Shihni, kjo është ora jonë.

Ne ndoshta nuk do ta përjetojmë Rrëmbimin. Unë mund të vdes sot, ti mund të vdesësh sot. Nuk e di. Por Rrëmbimi do të vijë. Kur të vijë, ne do të jemi atje, mos u shqetësoni; kështu do të jenë edhe të gjithë të tjerët ndër shekuj, të cilët kanë besuar dhe kanë pritur për të (1 Selanikasve 4,13-17). Ata kanë ecur në dritën e ditës së tyre.

Dhe ja ku është drita: Jezusi Krisht, i njëjti dje, sot dhe përgjithmonë. Lini mënjane besëtytnitë tuaja dhe besoni këtë Fjalë! Kjo është e vërteta. Fjala është e vërteta (Gjoni 17,17). Jezusi tha: „Fjala Ime është Frymë, Fjala Ime është jetë.“ Si do të marrësh jetë, nëse e refuzon jetën? Si do të pranosh një dogmë, e cila është vdekje, dhe në të njëjtën kohë Fjalën e jetës? Nuk mundesh. „Çdo fjalë e njeriut është gënjeshtër, çdo dogmë është gënjeshtër.“ Fjala e Perëndisë është e vërteta. [24]

Nëse zemra jonë nuk na dënon (1 Gjoni 3,20-22). Kjo është. Por qëndroni te kjo Fjalë, ku nuk ka asgjë të dënuar. Nuk ka më asnjë dënim për ata që janë në Krishtin Jezus, që nuk ecin sipas mishit, por sipas Frymës. Fryma ecën me Fjalën, sepse Fryma mund të vijë vetëm nga Fjala, sepse Fjala e Tij është Frymë. Fryma e vërtetë e Perëndisë mund të flasë vetëm Fjalën e Perëndisë. [25]

Pali tha: „Kur të këndoj, dua të këndoj në Frymë. Kur të predikoj, dua të predikoj në Frymë. Kur të eci, dua të eci në Frymë. Kur të flas, dua të flas në Frymë.“ Le të bëhet gjithçka përmes Fjalës dhe Frymës. Po, Amin. Është gjithçka e vërteta e Perëndisë. [26]

Qëllimi yt i tërë është Krishti. Ti pret Atë, se mund të vijë nga çasti në çast. Ti ecën në Frymë, e do Atë. Ti sheh si Ai vepron përmes teje. Jo diçka që ti dëshiron ta bësh, por Ai e bën vetë. Oh, çfarë kohe e mrekullueshme! [27]

Gjëja më e madhe që kam parë ndonjëherë në jetën time është, thjesht t'i dorëzohesh Perëndisë dhe të ecësh në Frymë, thjesht ditë pas dite, ashtu siç të udhëheq Ai dhe siç Ai vepron.

Prandaj, tani nuk ka më asnjë dënim për ata që janë në Krishtin, sepse ata nuk ecin sipas dëshirave të mishit, por ecin sipas Frymës. Dhe kur ti e do Zotin, dëshiron të bësh gjithçka që mundesh për t'i pëlqyer Atij. [28]

Ashtu si Izraeli dikur në tokën e tyre të premtuar, ata nuk dinë se si u kthyen aty. Thjesht u sollën

automatikisht mbrapa. Pse? Forca kombëtare i vendosi ata në vendin e tyre.

Tani do të them diçka. Forca kombëtare e solli Izraelin në atdheun e tij; forcat kombëtare do ta sjellin kishën në Këshillin Botëror të Kishave, por fuqia e Perëndisë do ta sjellë popullin në Nuse. Bota e shtyn në këtë drejtim dhe bota e shtyn në atë drejtim, por Perëndia e shtyn lart. Fryma e Perëndisë, që është Fjala e Perëndisë, „Fjala Ime është Frymë dhe jetë“, do ta vendosë Nusën në vendin e saj. Sepse ajo do ta njohë pozitën e saj në Fjalë, sepse ajo është në Krishtin. Kjo do ta vendosë atë në vendin e saj. Asnjë forcë kombëtare nuk do ta bëjë këtë. Por forcat kombëtare e kanë shtyrë Izraelin në atdheun e tij, forcat kombëtare të Këshillit të Kishave do t'i shtynjë çdo organizatë aty brenda; por fuqia e Perëndisë do ta ngrejë Nusën lart në lavdi, jashtë asaj.

O njerëz, njihni ditën tuaj, ashtu siç ju paralajmëroi Jezusi; shenja e Sodomës dhe gjendja e kishave të këtij brezi! [29]

Le të hyjmë në Krishtin, Fjalën, sepse këtë e kërkojmë në Emrin e Tij dhe për lavdinë e Tij. Amin. [30]